

SPREČAVANJE ULASKA DIVLJIH ŽIVOTINJA I ŠTETOČINA NA IMANJE/FARMU

- Držite prostor za hranjenje životinja čistim,
- Onemogućite ulazak glodavcima, mačkama i drugim životinjama u
 - prostore gdje se skladišti hrana za životinje,
 - Redovito obavljajte dezinsekciju i deratizaciju na imanju.
 - Plan postavke mamaka (ugovoreni izviđač).

UPRAVLJANJE FARMOM/IMANJEM

- Osigurajte otpremanje i neškodljivo uklanjanje uginulih životinja u skladu sa zakonskim odredbama u što kraćem roku,
- Provodite sakupljanje, pohranu, premještanje i uklanjanje dubriva na način da se širenje uzročnika bolesti smanji na minimum, (samopasterizacija),
- Osigurajte mjesto za čišćenje, pranje i dezinfekciju opreme i vozila,
- Redovito čistite, perite i dezinficirajte objekte, vozila i opremu,
- Redovito održavati opremu u objektu i objekat, krug oko objekta kako bi bili u dobrom stanju, čime se umanjuje mogućnost ulaska divljih životinja na imanje, kao i glodavaca i drugih životinja na mjesta gdje se skladišti hrana, (sve održavati čistim i urednim),
- Osigurajte da sve sirovine koje se unose na farmu potječu iz sigurnih i kontrolisanih izvora.

Biosigurnost ili biološka sigurnost jesu različite osmišljene mjere i postupci prevencije /profilakse/, kojima se nastoji spriječiti veliki gubitak biološkog integriteta zdravlja životinja, ali i ljudi vodeći računa o dobrobiti životinja i ekologiji. Za biosigurnost je odgovoran proizvođač odnosno imalac životinja. Stoga, svaki imalac životinja treba izraditi PLAN BIOSIGURNOSTI koji osigurava potpunu i efikasnu provedbu biosigurnosnih mjera.



BIOSIGURNOSNE MJERE U SPREČAVANJU POJAVE I SUZBIJANJU ZARAZNIH BOLESTI KOD ŽIVOTINJA



Ministarstvo za poljoprivredu,
šumarstvo i vodoprivredu ZDK



INSTITUT ZA ZDRAVLJE
I SIGURNOST HRANE



BIOSIGURNOSNE MJERE U SPREĆAVANJU POJAVE I ŠUZBIJANJU ZARAZNIH BOLESTI KOD ŽIVOTINJA

Mjere biosigurnosti treba da obuhvate i inicijalno upravljanje krizom nastalom kod mogućeg incidenta (pojave bolesti). Zbog toga je potrebno kontinuirano praćenje stanja životinja i procjena rizika od mogućeg unosa bolesti te primjena procesa zaštite kroz primjenu i održavanje planiranih mjera biosigurnosti. Nepoštovanje primjene i održavanja biosigurnosnih protokola (mjera) može dovesti do povećanog rizika od izloženosti biološkim opasnostima ili patogenima.

Mjere nespecifične/opšte prevencije mogu da se razvrstaju na biosigurnosne mjere:

1. Primarne zaštite (kojima se sprečava prodor/unos infekta/bolesti u uzgoj/zapat životinja te sprječavanje širenja bolesti).
2. Sekundarne (iskorištavanje fizioloških i imunoloških resursa životinja).

PLANIRANJE BIOSIGURNOSTI NA FARMI/UZGOJU

Planiranje: uvođenja novih životinja na farmu/imanje, („princip all in-all out“) za određene uzgoje, validne garancije za zdravstveno stanje novih životinja isl.

- premještanja životinja unutar farme/imanja,
- programa imunoprevencije /vakcinacije/, stavljanje u promet

Praćenje nadzor zdravstvenog stanja životinja kroz:

- promjene u proizvodnji,
- kliničke znakove bolesti i eventualna uginuća,
- promjene u ponašanju,
- promjene u uzimanju hrane i vode.

Vođenje propisanih evidencija:

- bilježenje u registar životinja na farmi svake promjene brojnog stanja životinja, (farmska evidencija),
- vođenje podataka o uginućima životinja,
- vođenje podataka o stavljanju životinja u promet,
- vođenje podataka o liječenju i karenci,
- bilješka o nadzoru gospodarstva od strane veterinarskog inspektora.

IZOLACIJA ŽIVOTINJA NA FARMI/IMANJU /karanten/

- Izoliranje novih životinja i životinja koje se vraćaju na farmu s mjesta gdje su bile u kontaktu s drugim životinjama (npr. izložbe, sajmovi i ispaši i sl.) najmanje dvije sedmice.
- Izolacija znači smještaj životinja u odvojene objekte. Ukoliko je nemoguće postići potpunu izolaciju životinje je potrebno izolirati pomoću pregrada u istom objektu, odnosno spriječiti kontakt direktan ili posredan kontakt s ostalim životinjama (koje se već od prije nalaze u imanju/objektu/farmi) posebno korištenje hranilica i pojiljica i dr. opreme koje koriste i zdrave životinje.
- Odjeću i obuću koja se koristi u objektu u kojem su smještene izolirane životinje potrebno je promijeniti prije ulaska u objekte sa životinjama koje nisu u izolaciji. (postavka dez-barijera)

PLAN POSTUPANJA KOD SUMNJE NA POJAVU BOLESTI !

Izolirati/odvojiti životinje koje pokazuju znakove bolesti, te što prije kontaktirajte svog veterinara!

Kontaktirajte svog veterinara ukoliko primijetite povećani broj oboljelih ili uginulih životinja !

IZRADITI PLAN POSTUPANJA

U saradnji sa svojim veterinarom izradite Plan postupanja prilikom sumnje na pojavu zarazne bolesti, koji sadrži:

- Opis situacija u kojima ćete reagirati prema gore navedenom planu/npr.: veliki broj životinja pokazuje znakove bolesti ili je utvrđen značajan pad proizvodnje, pozitivni rutinski dijagnostički test ili laboratorijski nalazi nisu zadovoljavajući, uobičajeni terapijski postupci ne rezultiraju vidljivim poboljšanjem zdravstvenog stanja životinja, uginuća velikog broja životinja,
- Kontakt telefone osoba koje u takvoj situaciji treba kontaktirati,
- Plan za ograničavanje kretanja životinja, ljudi i vozila s i na farmu /uzgoj, i
- Druge mjere koje prijedporučiti Vaš veterinar ili vet.inspektor

UVESTI KONTROLU KRETANJA LJUDI NA FARMI / IMANJU (kontrola ulaza i izlaza te postavka dezinfekcionih barijera)

Posjetitelji na farmi moraju nositi čistu odjeću i čistu obuću (izjave posjetioca) i kreću se u pratnji lica sa farme. Dobro je za posjetioca farme osigurati jednokratne mantile i zaštitne navlake za obuću.

- Posjetiteljima nije dopušten kontakt sa životinjama, ukoliko za to ne postoji valjan/opravedan razlog,
- Ne dozvoljavajte posjetiocima da na farmu unose hranu,
- Osigurajte plastičnu vreću za otpatke,
- Posjetitelji obavezno peru i dezinficiraju ruke i obuće ili oblače navlake prije nego uđu u farmu i prije nego napuste farmu,
- Ukoliko osoblje koje radi na farmi/uzgoju imaju vlastite životinje/stoku moraju na farmu ulaziti u čistoj odjeći i obući u kojoj nisu bili u kontaktu s vlastitim životinjama (korištenje radne odjeće i obuće).

KRETANJE VOZILA NA IMANJU/FARMI (kontrola ulaza i izlaza i kolskih dezbarijera)

- Vozila koja ulaze u krug farme moraju biti čista i na njima ne smije biti vidljivih tragova izmeta na gumama,
- Vozila i prikolice koja prijevoze životinje moraju biti očišćena i dezinficirana prije ulaska u krug farme.
- Osigurati parking izvan kruga farme, za zaposlenike i posjetitelje.

POSTUPANJE S OPREMOM NA FARMI

- Opremom koja je bila u kontaktu sa životinjama ili je onečišćena tjelesnim izlučevinama životinja može se prenijeti zarazna bolest,
- Oprema koja je u kontaktu sa životinjskim izmetom ili gnojem ne smije se posuđivati među imanjima osim ukoliko nije temeljito očišćena i dezinficirana,
- Oprema koja je u kontaktu sa životinjama mora se redovito čistiti i dezinficirati...
- Gume i podvozje vozila koja su u direktnom kontaktu s izlučevinama životinja moraju se redovno čistiti i prati i dezinficirati.

